

李濂醫史一

纂輯醫史凡例

歷代名醫凡史傳所載者謹備錄之於前五卷矣其有散見各家文集者亦錄之以備遺則俱列於後五卷

一古之名醫前史已有傳者既錄之矣乃若張仲景王叔和啟玄子皆醫之宗也良不可無傳今皆補之其絕無事實如巫咸巫彭矯氏盧氏俞氏崔文子公孫光之類則闕之

一凡各家文集中所載序記雜文凡為名醫而作者實繁其篇悉弗錄不可勝錄也

一諸名醫學本素難方術醇正者則錄之如晉書所載佛圖澄單道開之類頗涉幻誕悉黜之不

錄恐滋後人之惑

一凡區區別有見聞本傳之所未及者或間有一得之愚僭刊傳後以諗觀者

一近代名醫如劉守真張子和李明之諸子平生著述頗多其治療奇驗不可勝數而金元史載之甚略今姑依史錄之不敢增也

一山林索居書籍鮮少故於古之名醫蒐羅未盡增廣補遺以俟博雅君子

醫史凡例

醫史目錄

浚儀李濂輯

卷之二

左傳二人

醫和

史記二人

扁鵲傳
太倉公傳

卷之二

後漢書四人

郭玉傳
華佗傳
弟子吳普
樊阿

晉書一人

葛洪傳

宋書八人

徐文伯傳

曾祖熙 祖秋夫 父道度
叔父叔嚮 子雄

徐嗣伯傳

薛伯宗

南齊書一人

褚澄

北齊書一人

馬嗣明傳

卷之三

後魏書九人

李脩傳

徐謩傳

徐之才傳

王顯傳

崔或傳

子景哲 子問 景鳳

周澹傳

後周書二人

姚僧垣傳

褚該傳

卷之四

隋書二人

許藏智傳

許澄

舊唐書九人

孫思邈傳

許胤宗傳

甄權傳

弟立言

張文仲傳

李處縱
韋慈藏

孟詵傳

宋俠

卷之五

宋史六人

龐安時傳

許希傳

僧智緣傳

王克明傳

皇甫坦傳

錢乙傳

遼史二人

直魯古傳

耶律敵魯傳

金史五人

劉完素傳

張從正傳

張元素傳

李慶嗣傳

紀天錫傳

元史一人

李杲傳

東垣老人傳

卷之六

張仲景補傳

王叔和補傳

啟玄子補傳

張擴傳

吳源傳

卷之七

丹溪翁傳

王履補傳

載元禮

補傳

墓誌銘附

卷之八

櫻寧生傳

救山老人傳墓誌銘附

卷之九

滄洲翁傳

葛應雷補傳子乾孫

卷之十

抱一翁傳

蔣用文傳

橘泉翁傳

張養正傳

醫史卷之一

浚儀李濂

左傳二人

醫和傳 緩

醫和者秦醫也。晉平公十七年，公疾病，求醫於秦。秦景公使和視之，曰：「疾不可為也。是謂近女室，疾如蠱，非鬼非食，惑以喪志。良臣將死，天命不祐。」公曰：「女不可近乎？」對曰：「節之先王之樂，所以節百事也。故有五節，遲速本末以相及。中聲以降，五降之後，不容彈矣。於是而有煩手淫聲，愒堙心耳，乃忘和平。君子弗聽也。物亦如之。至於煩，乃舍也已，無以生疾。君子之近琴瑟，以儀節也，非以愒心也。天有六氣，降生五味，發為

五色徵為五聲淫生六六氣曰陰陽風雨晦明也
分為四時序為五節過則為菑陰淫寒疾陽淫熱疾
風淫末疾雨淫腹疾晦淫惑疾明淫心疾女陽物而
晦時淫則生內熱惑蠱之疾令君不節不時能無及
此乎出告趙孟趙孟曰誰當良臣對曰主是謂矣主
相晉國於今八年晉國無亂諸侯無闕可謂良矣和
聞之國之大臣榮其寵祿任其大節有菑禍興而無
改焉必受其咎今君至於淫以生疾將不能圖恤社
稷禍孰大焉主不能禦吾是以云也趙孟曰何為蠱
對曰淫溺惑亂之所生也於文四蟲為蠱穀之飛亦
為蠱在周易女惑男風落山謂之蠱皆同物也趙孟
曰良醫也厚其禮而歸之是歲也趙文子卒十年而

平公薨先是晉景公之十九年公疾病亦使求醫於
秦秦桓公使醫緩為之未至公夢疾為二豎子曰彼
良醫也懼傷我焉逃之其一曰居肅之上膏之下若
我何緩至曰疾不可為也在肅之上膏之下攻之不
可達之不及藥不至焉不可為也公曰良醫也亦厚
為之禮而歸之無及而景公薨或曰緩即和也音訛
耳

或問醫和診晉侯之脉而知其良臣將死有
是理邪曰有之不聞僧智緣乎智緣診父之
脉而能道其子之吉凶罔不奇中王珪蓋嘗
疑之荆公曉之以為實有是理夫診子既可
以知父則診君亦可以知臣非洞達陰陽造

化之妙者其孰能與于斯

史記二人

扁鵲傳

扁鵲者渤海郡鄆人也。姓秦氏，名越人。少時為人舍長舍客。長桑君過扁鵲，獨奇之，常謹遇之。長桑君亦知扁鵲非常人也，出入十餘年，乃呼扁鵲私坐間，與語曰：「我有禁方，年老欲傳與公，公毋泄。」扁鵲曰：「敬諾。」乃出其懷中藥予扁鵲，飲是以上池之水三十日，當知物矣。乃悉取其禁方書盡與扁鵲，忽然不見。殆非人也。扁鵲以其言飲藥三十日，視見垣一方人，以此視病，盡見五藏癥結，特以診脈為名耳。為醫或在齊，或在趙。在趙者，名扁鵲。當晉昭公時，諸大夫彊而公

族弱趙簡子為大夫專國事簡子疾五日不知人大
夫皆懼於是召扁鵲扁鵲入視病出董安于問扁鵲
扁鵲曰血脈治也而何怪昔秦穆公嘗如此七日而
寤寤之日告公孫支與子輿曰我之帝所甚樂吾所
以久者適有所學也帝告我晉國且大亂五世不安
其後將霸未老而死霸者之子且令而國男女無別
公孫支書而藏之秦策於是出夫獻公之亂文公之
霸而襄公敗秦師於殽而歸縱淫此子之所聞今主
君之病與之同不出三日必間間必有言也居二日
半簡子寤語諸大夫曰我之帝所甚樂與百神遊於
鈞天廣樂九奏萬舞不類三代之樂其聲動心有一
熊欲援我帝命我射之中熊熊死有羆來我又射之

中羅羅死帝甚喜賜我二笥皆有副吾見兒在帝側
帝屬我一翟犬曰及而子之壯也以賜之帝告我晉
國且世衰七世而亡嬴姓將大敗周人於范魁之西
而亦不能有也董安于受言書而藏之以扁鵲言告
簡子簡子賜扁鵲田四萬畝其後扁鵲過虢虢太子
死扁鵲至虢宮門下問中庶子喜方者曰太子何病
國中治穰過於眾事中庶子曰太子病血氣不時交
錯而不得泄暴發於外則為中害精神不能止邪氣
邪氣畜積而不得泄是以陽緩而陰急故暴蹶而死
扁鵲曰其死何如時曰雞鳴至今日收乎曰未也其
死未能半日也言臣齊勃海秦越人也家在於鄭未
嘗得望精光侍謁於前也聞太子不幸而死臣能生

之中庶子曰先生得無誕之乎何以言太子可生也
臣聞上古之時醫有俞跗治病不以湯液醴灑鑱石
撝引案杭毒熨一撥見病之應因五藏之輸乃割皮
解肌訣脉結筋擗髓腦揲荒爪幕湔浣腸胃漱滌五
藏練精易形先生之方能若是則太子可生也不能
若是而欲生之曾不可以告咳嬰之兒終日扁鵲仰
天歎曰夫子之為方也若以管窺天以郄視文越人
之為方也不待切脉望色聽聲寫形言病之所在聞
病之陽論得其陰聞病之陰論得其陽病應見於大
表不出千里決者至衆不可曲止也子以吾言為不
誠試入診太子當聞其耳鳴而鼻張循其兩股以至
於陰當尚溫也中庶子聞扁鵲言目眩然而不瞋舌

搖然而不下乃以扁鵲言入報虢君虢君聞之大驚
出見扁鵲於中閭曰竊聞高義之日久矣然未嘗得
拜謁於前也先生過小國幸而舉之偏國寡臣幸甚
有先生則活無先生則棄捐填溝壑長終而不得反
言未卒因噓唏服臆鬼精泄橫流涕長潸忽忽承睫
悲不能自止容貌變更扁鵲曰若太子病所謂尸蹯
者也夫以陽入陰中動胃續緣中經維絡別下於三
焦膀胱是以陽脉下遂陰脉上爭會氣閉而不通陰
上而陽內行下內鼓而不起上外絕而不為使上有
絕陽之絡下有破陰之紐破陰絕陽之色已廢脉亂
故形靜如死狀太子未死也夫以陽入陰支蘭藏者
生以陰入陽支蘭藏者死凡此數事皆五藏廢中之